



MINORITY SHAREHOLDER WATCHDOG GROUP

Badan Pengawas Pemegang Saham Minoriti Berhad

Incorporated in Malaysia * Company No. 524898-M

The Observer

19 September 2014

MESEJ KETUA PEGAWAI EKSEKUTIF



People's Bank of China (PBOC) dijangka akan menyuntik modal sebanyak \$81 bilion ke dalam lima (5) bank utama mereka sebagai langkah stimulus untuk melonjakkan ekonomi negara. Kesan yang diharapkan daripada suntikan modal ke dalam bank-bank ini adalah dana ini dapat menerapi sistem ekonomi benar secekap mungkin. Namun ia juga merupakan petunjuk bahawa kuasa ekonomi ke-2 terbesar dunia ini menonjolkan tanda-tanda pertumbuhan ekonomi yang semakin perlahan.

Sebagai negara yang mempunyai banyak hubungan perdagangan dengan China, kita perlu memperkuuhkan kedudukan daripada sebarang kejutan ekonomi dan ketidakpastian yang mungkin berlaku daripada keadaan sedemikian.

Menyentuh perkembangan serantau, Bursa Saham Singapura (SGX) telah mengumumkan cadangan terperincinya mengenai penetapan harga saham minima sebanyak 20 sen Singapura bagi saham-saham di papan utama untuk membendung aktiviti spekulasi kebelakangan ini dan juga penubuhan jawatankuasa penguatkuasaan yang diterajui oleh industri untuk melindungi pasaran. Melalui pelaksanaan penuh cadangan tersebut yang akan berkuatkuasa dari Mac 2016, syarikat-syarikat yang mempunyai harga pasaran purata wajarnya bagi tempoh 6 bulan yang terlalu rendah akan diletakkan di bawah senarai pemantauan. Menurut cadangan itu lagi, syarikat-syarikat ini akan diberikan tempoh masa sehingga tiga tahun untuk menyelesaikan isu tersebut atau menghadapi penyahsenaraian.

Kami berpandangan harga saham minima sebanyak 20 sen Singapura yang dicadangkan boleh mengekang aktiviti spekulasi yang berlebihan seperti yang diharapkan. Pada masa yang sama, ia mungkin boleh mengurangkan penglibatan pelabur runcit. Pada masa yang sama, Bursa saham Singapura bercadang untuk mengurangkan lot saham ke 100 unit saham seperti dipaktikkan di Malaysia daripada 1,000 unit saham berkuatkuasa tahun hadapan dan dijangka akan dikurangkan lagi sehingga 1 unit saham. Langkah ini boleh menggalakkan kembali penglibatan pelabur runcit ke pasaran Singapura. Langkah menubuhkan jawatankuasa penguatkuasaan yang terdiri daripada wakil industri dan pasaran adalah bepatutan kerana wujud konflik tugas sebagai sebuah agensi pedagangan dan juga agensi penguatkuasaan. Secara keseluruhan, kami berpandangan langkah-langkah yang diambil oleh Bursa Saham Singapura ini memang wajar dan seimbang.

Salam

Rita

KAD SKOR TADBIR URUS KORPORAT ASEAN ASEAN CG SCORECARD

Sukacita diumumkan bahawa MSWG sedang dalam proses menilai syarikat-syarikat tersenarai Malaysia menggunakan Kad Skor Tadbir Urus Korporat ASEAN di mana senarai syarikat-syarikat yang mempunyai tadbir urus korporat yang baik akan diumumkan dan dipamerkan di Majlis Anugerah Tadbir Urus Korporat Tahunan MSWG yang akan diadakan pada 9 Disember 2014.

Sebagai pengiktirafan, MSWG juga akan memberikan anugerah kepada individu-individu yang menggalakkan tadbir urus korporat yang baik di dalam syarikat dan pasaran modal. Anugerah-anugerah tersebut adalah bagi Pengerusi, Ketua Pegawai Eksekutif dan Wartawan Tadbir Urus Korporat bagi Tahun 2014.

Pencalonan bagi kategori-kategori tersebut kini dibuka kepada pihak awam dan boleh dilakukan melalui pautan berikut:

<http://www.mswg.org.my/page.php?pid=179&action=preview&menu=main>

KEMASKINI MAKLUMAT PASARAN MODAL

JAWATANKUASA DASAR MONETARI (“MPC”) KEKALKAN KADAR DASAR SEMALAMAN (“OPR”) PADA 3.25%

Pada mesyuarat MPC yang diadakan pada 18 September 2014, Bank Negara Malaysia (“BNM”) membuat keputusan untuk mengekalkan Kadar Dasar Semalam (“OPR”) pada 3.25 peratus.

KOMEN MSWG:

Kami berpandangan BNM tidak akan menaikkan kadar faedah memandangkan polisi semasanya adalah untuk memastikan kemampuan pertumbuhan ekonomi negara, mengambil kira angka-angka Indeks Pengeluaran Industri dan eksport bagi bulan Julai 2014 adalah lemah. Walau bagaimanapun, kami menjangkakan pengetatan monetari mungkin berlaku pada awal tahun hadapan disebabkan oleh tekanan inflasi.

Penganalisa MSWG

Lya Rahman, Pengurus Besar, Khidmat Korporat, lyarahman@mswg.org.my

Chong Chee Fern, Pengurus Besar, Pemantauan Korporat chongcf@mswg.org.my

Rebecca Yap, Ketua, Pemantauan Korporat rebecca.yap@mswg.org.my

Quah Ban Aik, Ketua, Pemantauan Korporat banaik.quah@mswg.org.my

Norhisam Sidek, Pengurus, Pemantauan Korporat norhisam@mswg.org.my

Shahnul Niza Bin Dato' Dr. Mohd Yusof, Pengurus, Pemantauan Korporat shahnul.niza@mswg.org.my

Lee Chee Meng, Pengurus, Pemantauan Korporat cheemeng@mswg.org.my

Wong Kin Wing, Pengurus, Pemantauan Korporat, kinwing@mswg.org.my

Nor Khalidah Khalil, Penganalisa, Pemantauan Korporat khalidah@mswg.org.my

Vinodth Ramasamy, Penganalisa, Pemantauan Korporat vinodth.ram@mswg.org.my

PENZAHIRAN KEPENTINGAN

- *Sehubungan dengan syarikat-syarikat yang dinyatakan, MSWG memegang jumlah saham yang minima di dalam syarikat-syarikat yang dinyatakan di dalam surat berita ini.*
-

Maklumbalas

Kami mengalu-alukan maklumbalas anda mengenai surat berita dan khidmat kami. Sila e-mel komen dan cadangan anda ke mswg.ceo@mswg.org.my.

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholder Watchdog Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggar sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinasihatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini.